

## CHA KUTI CHI ÑIVI TASO'O RADIU

Cha kuu Ley Federal kuenda Telecomunicaciones ta kuenda Radiodifusión, nu kuuchi Artículo ui cientu ui xiko cha'un in (256), kati tu'un chi chiyo ndaa cha kuu cha kuiti chi ñivi taso'o radiu; nakótochi chi:

- Na keta tu'un kuenda Pluralismo ideológico, kuenda pluralismo político, kuenda pluralismo social ta cultural an kuenda pluralismo linguístico ñu'u Ñuko'yo;
- Chi kivi ta na keta tiñu kuenda ndi'i kuii tu'un ta kuenda ndi'i kuii ku'a cha io ñivi an kuenda ku'a cha saxini ñi ñivi takan va koo ñuñivi democrática tichi ñuu;
- Na ña tavaga ratra cha kuu publicidad, propaganda ta sana'a ratrachi tava in noticia ndicha. Va kuuchi in Publicidad an in propaganda cha ndicha, tacha in ra rai va satíñu va'ara ta va kati tu'unra va'ara chiyo vati si nda ya'vi ndi'i tu'un va kati tu'un ra chiyo, maani ratra va koto ña ku'a va satíñu ratra chi ñivi. Nu kuuchi Código Ética, va sana'a ratra ndi'i tu'un ndi'i tiñu na sa'a ratra kuenda vati takan ña va ndukini cha ndaku ratra;
- Va saka'nu ratra hora programa ñi tañi ratra ta tu va sama programaya va sakoto ratrachi chi kivi chi ñivi;
- Na kanda tiñu kuenda cha kuu derecho réplica, ku'a cha ka'an ley;
- Na ndoochi kuuchi in tiñu va'a na kee va'a ndusuchi ta na kuinu in videu hora cha kee programaya, suini i'a ta na kee ta'an cha kuu espacios publicitarios;
- Nu io cha kuu programa radiuya ña va kuu nduku'ina iniyo chi ñivi ta'o kuu ñivi ñuu, an kuuñi ña'a an kuura rai inni ku'a va saka'nuyo, an tu cha cha'nu ñi tañi, an tu ni kaku kue'e ñi tañi, an ñivi nda'vi kuuñi, an tu chika ku'i ñi tañi, an tu io ñi tañi kuenda ra ntioo, an tu inga ku'a saxini ñi tañi, an tu kuuñi tañi tivi ña'a, tu io iñi tu ña'ni iñi inni ku'a va saka'nuyo an tu ñaa inga ku'a ni kaku maañi ñuñiviya ña iochi cha va nduku'ina iniyo chi ta'o;
- Va saka'nuyo derecho humano, chi ve kuati xi'nakuui, chi ñi ña'a chi ra rai ña va nduku'ina iniyo chi ñi ta ñi, ta
- Ndi'igachi na kuugachi ley, inni kuuchi.

Inga ndiotuku, vati ku'a cha kati Artículo ui cientu ui xiko cha'un uni kuenda Ley Federal Telecomunicaciones ta Radiodifusión, ñi taso'o radiu ta ñi kaku kue'e va koo derechi ñi tañi ti:

- Va koo cha va taa ñi tañi ndi'i cha kee tichi kaaya chi se'es ntia an chi sa'an seña io ñu'u Ñuko'yoya tava ñi ña chini va'agan tañi. Va koochi masi tichi in tu'un programa cha nde'ega ñivi ñu'u Ñuko'yoya;
- Na koto ñivi vati inni ñivi kuuñi masi ni kaku kue'e ñi tañi, chito ta'an ñi ta va ndi'i ñivi ta kuu satíñu ta'anñi, vati ñivi kuuñi ta va saka'nuyo chiñi tañi ti;
- Sa'o kuenda vati io ta'añi ñuñiviya na taso'oyo cha chini ñu'uñi tañi, ndi'i cha va kuniñi an ndi'i cha ña chata'an iniñi, tu ñikan ta ña va tisogañi tiñu ka'nu siki ra satíñuya tra, ta
- Na koto ñi kuenda cha kuu guía programación cha na kuu ka'anñi chi teléfono an va kuu nde'eñi nu io internet ñi satíñu chi ñi ku'iyá.